

ÅRSPLAN 2022/2023

HAUGELIA BARNEHAGE



*Visjonen til
barnehagen:*

*«Røtter &
vinger»*

Armkroken

Telefon: 482 59 377

E-post: armkroken@sande-mr.kommune.no

Leikekroken

Telefon: 902 26 980

E-post: leikekroken@sande-mr.kommune.no

Innhald

Forord	4
Barnehagelova	6
Rammeplan for barnehagen	7
Haugelia barnehage	8
Felles visjon for barnehagane i Sande	10
Samarbeid barnehage/skule/heim	10
Foreldremøte	11
Foreldresamtalar	11
Praktiske opplysningar	12
Foreldrebetaling:	12
Fråvær:	12
Mat:	13
Sjukdom:	13
Kle:	13
Bursdagar:	14
Soving:	14
E-post:	14
Førskuleopplegg	15
Planleggingsdagar	15
Feriestengt	15
Parkeringsplass:	15
Vurdering/dokumentasjon	16

Kartlegging.....	17
Samarbeidsinstansar	17
Forsikringar.....	17
Satsingsområder	18
PALS.....	18
Realfag.....	19
BTS – Betre Tverrfagleg Samhandling	20
Armkroken – «Min fantastiske kropp» og «Venskap»	21
Leikekroken – «Jorda rundt med Hippo».....	23
Foreldresamarbeid	25
Val av FAU og SU	26
Armkroken.....	27
Leikekroken	28
Fagområda i rammeplanen	29
Kommunikasjon, språk og tekst	30
Kropp, rørse, mat og helse	31
Kunst, kultur og kreativitet.....	32
Natur, miljø og teknologi.....	33
Mengd, rom og form	34
Etikk, religion og filosofi	35
Nærmiljø og samfunn.....	36
Haugeliasangen	37
Avslutning.....	38

Forord

Vi ynskjer alle barn og føresette velkomne til eit nytt og innhaldsrikt år i Haugelia barnehage.

Verksemda vår er basert på Lov om barnehagar og Rammeplan for barnehagar. I barnehagelova finn vi det regelverket som gjeld barnehagen. Rammeplanen er ei forskrift til lova som gir retningslinjer for barnehagen sitt verdigrunnlag, innhald og oppgåve. Desse to dokumenta utgjer barnehagen sitt samfunnsmandat. Årsplanen er barnehagen sitt overordna pedagogiske dokument og er fastsett av barnehagen sitt samarbeidsutval. Planen er eit forpliktande arbeidsverktøy for personalet og eit dokument som viser foreldra kva tilbod barna får i barnehagen.

I januar 2021 fekk barnehagane eit nytt regelverk for barnehagemiljøet. Det er ei ny mobbelov som skal sikre at alle barn får ein trygg og god barnehagekvardag. Dette er no «satt i system» meir enn tidlegare. Det er innført ei aktivitetsplikt og vidare evt. handlingsplan for personalet. Vi har jobba, og jobbar kvar dag, for at alle barn skal ha det bra. Det førebyggjande arbeidet vi gjer i kvardagen er med å hjelpe oss i dette. Vi brukar blant anna PALS, vennebøkene, og ikkje minst er vi saman med barna og ser dei kvar dag.

Innanfor desse rammene har leiarane våre, i samarbeid med sine medarbeidarar og barna på avdelingane, stor handlingsfridom. Dei brukar seg sjølve, sin kunnskap og erfaring for å skape gode dagar fulle av gode barndomsminner, tilpassa det einskilde barn.

Leiarane lagar månadsplanar for kvar månad. Desse får de tilsendt på e-post samt at dei blir hengt opp i garderoben saman med fokusområdet i Pals. De som foreldre kan dermed halde dykk oppdatert på kva barnet ditt skal vere med på, og det er eit godt utgangspunkt for gode samtalar når dagen er over. På slutten av kvar månad får de også tilsendt månadsbrev der leiarane tek ei oppsummering av månaden som har vore.

Barna har allereie funne sin plass i barnegruppene og kome godt til rette. I september byrja vi med faste opplegg og aktivitetar knytt til tema og fagområda i rammeplanen.

Vi har ei flott barnegruppe og foreldregruppe og gler oss til eit nytt og innhaldsrikt år der eit godt foreldresamarbeid er viktig for å oppnå det beste for alle. Har de spørsmål eller lurar på noko må de vere flinke til å ta kontakt med oss i barnehagen.

Vi har som mål å stadig vere i utvikling og gler oss til eit nytt barnehageår!

Barnehagelova

I følge barnehagelova skal barnehagen, i samarbeid og forståing med heimen, ivareta barna sine behov for omsorg og leik, og fremje læring og danning som grunnlag for allsidig utvikling. Barnehagen skal byggje på grunnleggjande verdiar i kristen og humanistisk arv og tradisjon. Viktige verdiar er respekt for menneskeverdet og naturen, nestekjærleik, tilgiving, likeverd og solidaritet, verdiar som kjem til uttrykk i ulike religionar og livssyn og som er forankra i menneskerettigheitene.

Barna skal få utfolde skaparglede, undring og utforskartrang. Dei skal lære å ta vare på seg sjølv, kvarandre og naturen.

Barna skal utvikle grunnleggjande kunnskapar og ferdigheiter. Dei skal ha rett til medverknad tilpassa alder og føresetnadar.

Barnehagen skal møte barna med tillit og respekt og anerkjenne barndommen sin eigenverdi. Den skal bidra til trivsel og glede i leik og læring, og vere ein utfordrande og trygg stad for fellesskap og venskap. Barnehagen skal fremje demokrati og likestilling og motarbeide alle former for diskriminering.



Rammeplan for barnehagen

I følge rammeplanen skal innhaldet i barnehagen vere allsidig, variert og tilpassa enkeltbarn og barnegruppa. Ein skal sjå arbeidet med omsorg, danning, leik, læring, sosial kompetanse og kommunikasjon og språk i samanheng, og samla bidra til den allsidige utviklinga til barna.

Omsorg er ein føresetnad for at barna skal vere trygge og trivast og for at dei skal utvikle empati og nestekjærleik. I barnehagen skal alle barn oppleve at dei blir sett, forstått og respektert. Dei skal få den hjelpa og støtta dei har behov for og personalet skal leggje til rette for omsorgsfulle relasjonar mellom barna og personalet, og mellom barna sjølve.

Leiken skal ha ein sentral plass i barnehagen, der eigenverdien til leiken skal anerkjennast. Leiken skal vere ein arena for utvikling og læring og for sosial og språkleg samhandling. Barnehagen skal bidra til at alle barn kan oppleve glede, humor, spenning og engasjement gjennom leik, både åleine og saman med andre.

Samfunnsmandatet til barnehagen er, i samarbeid og forståing med heimen, å ivareta barna sitt behov for omsorg og leik og fremje læring og danning som grunnlag for ei allsidig utvikling.

Barnehagen sitt innhald skal som dykk ser vere allsidig og variert, og årsplanen vår byggjer på barnehagelova og føringane i rammeplanen.

Haugelia barnehage

Haugelia barnehage vart utbygd og starta opp i 1990 etter eit privat initiativ frå foreldregruppa i Gjerdsvika, Haugsbygda og i Gurskebotn. Barnehagen vart drive av ein foreldrestyrt stiftelse dei første fire åra. I 1994 vart Haugelia ein kommunal barnehage med Sande kommune som eigar og drivar av barnehagen. Den var då godkjent for 18 plassar. I 2009 blei det bygd på ei halv avdeling, noko som gjorde at barnehagen var godkjent for 24 plassar. I november 2018 blei vi ein toavdelingsbarnehage, då det blei påbygd ei småbarnsavdeling. Etter dette var barnehagen godkjent for 36 plassar, men utvida til 40 plassar i januar 2019. Dei siste åra har vi vore på dispensasjon grunna stor søkjarmasse, og vi vil også dette barnehageåret vere på dispensasjon med 46 plassar. Haugelia barnehage har alltid hatt fylt opp alle plassane og nesten alltid har det vore nokon på venteliste.

Haugelia barnehage ligg i Haugelia byggjefelt i Haugsbygda, Gursken. Barnehagen ligg midt mellom fjell og fjøre, noko som gir tilgang til eit unikt naturområde.

Opningstida til barnehagen er frå kl. 07.00-16.30 måndag til fredag. Dersom nokon har behov for lengre opningstid ein dag må dei gi beskjed til personalet seinast dagen før.

Telefonnummeret til barnehagen er: 902 26 980 (Leikekroken) og 482 59 377 (Armkroken).

Haugelia barnehage skal vere ein brukartilpassa barnehage med barnet i sentrum. Vi skal ha fokus på gode, trygge og stabile rammer for barn, foreldre og tilsette der dagane er prega av glede, humor, leik og trivsel. Barna skal få gode læring- og utviklingsmoglegheiter, og dei vaksne skal utvikle seg i takt med samfunnet.

Utan god **omsorg** og **leik** , kan vi ikkje fremme **læring** og **danning**. Desse **fire nøkkelorda** går hand i hand, gjennom alle aktivitetar i barnehagen.



Felles visjon for barnehagane i Sande

«Barnehagane i Sande kommune vil i samarbeid med heimen gi barna ein trygg start på den livslange læringa i utdanningssystemet. Vi vil gi dei erfaringar og opplevingar som fører til ei positiv tilknytning til nærmiljøet, og gjere dei i stand til å ta vare på seg sjølve og kvarandre».

Samarbeid barnehage/skule/heim

I Sande kommune har vi ein felles plan når det gjeld overgang barnehage/skule. Eit godt samarbeid mellom barnehage og skule er viktig for at barnet skal få ein god start på skuleløpet sitt. Gursken skule har førskuledagar i mai det året barnet skal byrje på skule. Barnehagen må innhente løyve frå foreldra for å gi informasjon om barnet til skulen. I løpet av mai/juni har barnehagen og skulen eit samarbeidsmøte i høve førskulebarna. På dette møtet er som regel rektor, klassekontakt, einingsleiar og pedagogisk leiar.

I Sande kommune har vi foreldreskule der alle foreldre som har barn som skal byrje på skule møtast to kveldar på våren og to kveldar på hausten. Formålet er at foreldre skal få meir kunnskap om innhaldet i skulen, få betre kjennskap til det tverrfaglege arbeidet i kommunen og dei ulike hjelpeinstansane, og bli betre kjent med kvarandre for å støtte opp under arbeidet i opplæringa til klassa som gruppe. De vil få meir informasjon om dette etter kvart.

Foreldremøte

Vi har i utgangspunktet eit foreldremøte på hausten. Det blir eit tradisjonelt møte med informasjon frå personalet og der nye og «gamle» foreldre møtast. Målet er å ha eit foreldremøte på våren også, der vi får inn ein foredragsholdar som kan snakke om aktuelle tema. Kom gjerne med innspel både på foredragsholdar og tema dersom de har spesielle ynskjer.

Foreldresamtalar

Foreldre vil få tilbod om to foreldresamtalar per år. Ein på hausten og ein på våren. Samtalen på hausten er obligatorisk, medan den på våren er frivillig dersom ikkje personalet meiner noko anna. Dei som har førskuleungar skal på begge samtalanane. Det er individuelle samtalar der foreldre og pedagogisk leiar utvekslar informasjon om barnet. Vi reknar 30 minutt per samtale.



Praktiske opplysningar

Foreldrebetaling:

De betalar for elleve månadar i løpet av eit barnehageår. Foreldrebetalinga forfell rundt 20. i månaden. Vi har syskjenmoderasjon. Det er Sande kommune som sender ut faktura. Manglande foreldrebetaling fører til inkasso og oppseiing av plass.

100% (5 dagar) kr. 3050,- + mat kr. 365,-

80% (4 dagar) kr. 2440,- + mat kr. 292,-

Barn som har delte plassar kan kjøpe ekstra dag dersom det passar. Ta kontakt med personalet dersom det er aktuelt. Personalet vurderer situasjonen ut i frå talet på barn og tilsette. Det kostar 250 kr og det blir fakturert av Sande kommune.

Om ein ynskjer å seie opp plassen er det ein månads oppseiingstid. Det er ikkje høve til å ta ut barn etter 1. april utan å måtte betale for heile barnehageåret.

Fråvær:

Dersom barnet er sjuk eller skal ha fri, **skal** vi ha beskjed om dette. Det er også fint om de gir beskjed dersom barnet kjem seinare enn kl. 09.30 eller blir henta tidlegare enn vanleg, i tilfelle vi skal på tur eller liknande. Blir barnet henta av andre enn foreldra, skal barnehagen ha informasjon om kven. Gi beskjed ved levering eller send ei melding.

Mat:

Det vert servert frukost, lunsj og ettermiddagsmåltid i barnehagen. Frukosten sluttar kl. 08.45 på begge avdelingar.

Lunsjmåltidet er frå kl. 10.30 på Armkroken og kl. 10.45 på Leikekroken. Ettermiddagsmåltidet er eit mindre måltid som byrja kl. 13.30 på Armkroken og kl. 13.45 på Leikekroken. Barna på Leikekroken har med drikkeflasker med vatn som står tilgjengeleg for dei gjennom dagen.

Sjukdom:

Ved sjukdom skal barnet vere heime. Eit barn treng ikkje nødvendigvis å ha feber for å vere sjuk, allmenntilstanden er avgjerande. Ved magevirus (oppkast/diare), **SKAL** barnet vere heime frå barnehagen minst 48-timar etter siste symptom.

Kle:

Barnet treng kle tilpassa dei ulike årstidene. Dress, regnkle, støvlar, sko, hue, vottar m.m. I korga treng det minst to kleskift (gensarar, t-skjorter, bukser, strømpebukser, lestar og truser). Viktig at alt av kle og sko blir merka med namn. Alle ytterkle skal takast med heim fredagar i partalsveker, og elles når det er behov. Foreldra kjøper bleier til dei som treng det. Vi ynskjer ikkje up&go bleier☺ Personalet gir beskjed når dei treng meir. Barnehagen kjøper inn solkrem. Dersom de ynskjer andre kremer må de ta med det sjølv.

Bursdagar:

Når barnet har bursdag flagga vi i barnehagen. Vi markerar dagen med å ha bursdagssamlingar der barnet får sitje på bursdagsstol med krone og kappe, dei andre barna syng bursdagssong og vi «skyt» opp bursdagsraketter ut i frå kor mange år barna blir. Etterpå får barnet velje seg ut ei lita gåve frå skattekista som det får ta med heim. Døme på dette kan vere klistremerker, såpebobler, bilar, hårklemmer m.m. Foreldra tek ikkje med noko.

Når det gjeld bursdagsfeiring på fritida bør ein ta dette utanom barnehagen. Det er alltid trist å ikkje bli invitert i selskap.

Soving:

Barn som skal sove på dagtid må ha med vogn og vognpose tilpassa årstida.

E-post:

Vi nyttar e-post som ein kommunikasjonskanal til dykk foreldre. Her sender vi ut årsplan, månadsplan og anna nødvendig informasjon. De foreldre kan også sende beskjedar til barnehagen på e-post.



Førskuleopplegg

Vi har førskuleklubb ein dag i veka. Vi brukar opplegget Trampoline. Aktuelle tema gjennom barnehageåret er: meg og deg, mønster, former, måling, tal, plassering, sortering, stavingar, rim, symbol og bokstavar. Det er pedagogiske leiarar som har førskuleklubb. I år har vi sju barn på klubb.

Førskulegruppa skal på førskulebading på Sunnmørsbadet i Herøy. Dei tilsette ved Sunnmørsbadet er instruktørar og dei tilsette frå Haugelia barnehage er i vatne saman med barna. De får nærmare beskjed om kva barnet treng å ta med og datoar for bading framover.

Planleggingsdagar

Måndag 8. august, torsdag 29. september, fredag 7. oktober, måndag 2. januar og fredag 19. mai.

Feriestengt

Barnehagen er stengt i veke 28-31 grunna sommarferie. I tillegg er barnehagen stengt onsdagen før påske og i romjula.

Parkeringsplass:

Husk å alltid lukke porten når de kjem eller fer frå barnehagen. Bilane skal ikkje stå å gå medan barna blir levert og henta. Dette er faktorar som vil vere med på å heve barna si sikkerheit.

Vurdering/dokumentasjon

Personalet observerer og vurderer dagleg sitt arbeid. Vi observerer og deltek i barna sine aktivitetar og vurderer våre handlingar, møte og samspel med barna fortløpande. Vurdering skal vere til hjelp for personalet i vidare planlegging.

Vurdering kan bidra til å sikre at utviklinga av barnehagen skjer på ein bevisst måte. Både barna, personalet og foreldra har erfaringar og opplevingar frå livet i barnehagen som det er viktig å utnytte aktivt. Det er viktig at barna får delta i vurderinga av sitt eige leike- og læringsmiljø, og oppleve at det dei meiner vert teke på alvor. Observasjon og dokumentasjon utgjer ein viktig del av grunnlaget for ei meir heilskapleg vurdering. Fylgjande skal vurderast:

1. Barna sin trivsel og utvikling, og evne til å utvikle venskap
2. Barnegruppa si fungering i leik og sosialt samspel
3. Barnehagen sine rutinesituasjonar og tradisjonar
4. Vurdering av eigen praksis og samspel barn/vaksne/yrkesetikk
5. Språkleg utvikling
6. Vårt arbeid med sosial kompetanse



Årsplanen skal vurderast og justerast årleg i forhold til samfunnet sine krav til endring og utvikling av barnehagen.

Måloppnåing samt vår yrkesetiske ståstad i forhold til pedagogisk grunnsyn skal diskuterast og vurderast. Barnehagen har som mål at foreldra skal vere nøgde med det tilbodet som barnehagen gir.

Kartlegging

Alle barn utviklar seg i eige tempo på ulike områder. Vi samanliknar difor kvart barn med seg sjølv og si utvikling, på same tid som vi følgjer godt med kvart barn om det treng ekstra stimulering og utfordring.

Det er heilt nødvendig for oss som har ansvar for barna sin vekst og utvikling, å ha ulike verkty. Å observere barn er noko som skjer kontinuerleg, og i Sande kommune kartleggjer vi alle barn.

Vi brukar kartleggingsskjema som TRAS (tidleg registrering av språk), ALLE MED (sosial kompetanse), MIO (matematikk) og OMGREPSLÆRING. Omgrepslæring brukar vi kun på førskulegruppa.

Samarbeidsinstansar

Vi samarbeider med mange instansar for å kunne gi barn det beste i tida fram til skulestart og sikre tidleg intervensjon for barn med ulike behov. Våre samarbeidsinstansar er PPT, barnevern, helsestasjon, skulen og BUP.

Forsikringar

Gjennom KLP er barn i barnehagen ulukkeforsikra. Forsikringa dekkjer varig medisinsk invaliditet, dødsfall på grunn av ulykker og behandlingsutgifter. Behandlingsutgifter vert dekt når meirutgifter til lege/tannlege kan dokumenterast.



Satsingsområder

PALS

Haugelia barnehage er ein PALS barnehage. Pals er ein systematisk arbeidsmodell som er utvikla av åtferdssenteret i Oslo.

Målet er å styrkje barna sin sosiale kompetanse og førebyggje og meistre problemåtferd. PALS står for: **POSITIV**

Å(A)TFERD, STØTTANDE LÆRINGSMILJØ OG SAMHANDLING. Dei vaksne skal leggje vekt på positiv involvering

og oppmuntring. **Hovudfokuset er å sjå og verdsetje god åtferd.** Når barna opplever at dei vaksne set same grenser for

mobbing og asosial åtferd, vil dette i seg sjølv verke førebyggjande. Negativ åtferd skal få milde reaksjonar som er kjende

på førehand. Viktig at dei vaksne til ei kvar tid rettar merksemda mot ønska åtferd. Skulen jobbar også med Pals, så dette vil

fylgje barnet under heile oppveksten, noko som vi ser på som bra!

Grunnleggjande reglar:



Helse



Ro



Armar og bein



Rydde

VIS RESPEKT

VIS OMSORG

TA ANSVAR



Innestemme



Rose



Ver ein god venn



Lytte



Vente på tur



Hjelpe

BTS – Betre Tverrfagleg Samhandling

I Sande kommune arbeider vi etter satsingsplanen BTS – Betre Tverrfagleg Samhandling. Dette gjer vi for å sikre at alle barn og unge skal få den hjelpa dei treng. Kommunane er pålagde ved lov å samordne tenestetilbodet på tvers av etatane og tenesteområda. Vi skal samarbeide, og BTS er såleis ei satsing for å pålegge og strukturere denne samhandlinga i Sande kommune.

I denne satsinga gjer vi oss nytte av ein reiskap som heiter Betre Tverrfagleg Innsats (BTI), ein utarbeidd handlingsrettileiar som skal sikre at alle får den hjelpa dei treng, på det nivå som trengst og på tvers av tenestestrukturen i kommunen. BTI er ein modell for prosedyrar og samordning av tenester, for å yte hjelp til gravide, born, unge og foreldre som har eller kan ha bruk for det. BTI-modellen skal sikre tidleg innsats, samordna tenester og brukarmedverknad.

Grunnmodellen (fire ulike nivå):

Nivå 0: Her avklarar vi om det er grunn til uro


Nivå 1: Skildrar tiltak innanfor kvar einskild teneste

Nivå 2: Skildrar enkelt tverrfagleg samarbeid mellom fortrinnsvis to tenester

Nivå 3: Skildrar meir omfattande tverrfagleg samarbeid mellom fleire tenester



[Kva er Betre tverrfagleg samhandling \(BTS\)? - BTS \(sande-mr.kommune.no\)](https://www.sande-mr.kommune.no)



Vi vil gjennom barnehageåret ha to overordna tema, «Min fantastiske kropp» og «Venskap», og med det som bakteppe skal vi innom alle dei sju fagområda i rammeplanen, i tillegg til satsingsområda til kommunen.

Vi kjem til å bruke verkty som, Snakkepakken, vennebøker og språkstimuleringsspel.

Hovudfokuset er å sjå og bli kjend med kvart enkelt barn. Gjennom omsorg, song og leik skal vi byggje barnet til å få vener, auka sjølvkjensle og meistringsglede. Vi brukar familiehus og «Herbert Grullbrandsren» og set ord på kropp, kjensler og sansar. Heile året er kvart emne tilpassa alder og språk. Nokre av emna dette barnehageåret vert familien min, haust og fargar, jul, eventyr, dyr, natur og teknologi. Natur og nærområde vert nytta til leik og læring, det vert tur både til skog og fjøre i løpet av barnehageåret. Leik som læring er ein viktig faktor i rammeplanen og leiken er barna sitt felles språk, uavhengig av bakgrunn og morsmål.

På samlingane vil vi nytte mykje konkretar. Konkretar er eit verkemiddel for å visualisere ord samt auke- og bekrefte forståing. I tillegg er det eit reiskap for å halde på merksemda til barnet. Vi nyttar konkretar særleg i arbeidet med språk og leseaktivitetar, og dette vil vere til stor hjelp for barna si språkforståing og språkutvikling. I det daglege arbeidet med barna vil vi nytte mykje song, musikk, humor og dans, og på denne måten kan alle ta del.




Vi har starta opp med barnehagekor som heiter «KorMagisk», der begge avdelingane skal vere ilag. Gjennom musikken lærer barna blant anna sosialt samspel, positiv kommunikasjon, språk/språkutvikling, rørsle og glede. Vi tek utgangspunkt i songar knytt til tema og songar som barna ynskjer, og slik varetek vi også barns medverknad.

Snakkepakken er eit verkty som er tileigna barnehagar og som er med å styrke barna si språkutvikling. Den byggjer på sju tematiske områder i barna sin kvardag, og innhaldet er levande, morosamt og oppfordrar til kreativitet og engasjement. Vi vil også nytte språkstimuleringsspel som «bilde-lotto» og «pangspel», i tillegg til Vennebøkene som hjelper barna med å finne metodar for korleis vi skal vere med kvarandre.





Vi har dei to siste åra vore på ei «reise» saman med sjøhesten Hippo. Vi var fyrst i havet med fokus på naturvern, og så ut i verdsromet. Dette har vore tema som har interessert barna i stor grad, så no tenkjer vi at vi er klar for ei reise rundt på jorda vår. Vi vil gjennom barnehageåret besøke alle dei sju verdsdelane, nokre deler vi meir opp enn andre. Gjennom arbeid med temaet vil vi ha eit særleg fokus på fagområdet **Kommunikasjon, språk og tekst**. Vi skal bli litt kjent med land, kultur, landskap, klima, dyreliv m.m. Barna skal få møte eit mangfald av eventyr, forteljingar, segner og uttrykksformer frå ulike delar av verda. Vi skal reflektere over likskapar og ulikskapar, lære om mangfald og gjensidig respekt - og kor viktig det er. Alle har ein plass.



Barn utviklar **sosial kompetanse** fyrst og fremst i det daglege, uformelle samspelet med andre. Men vi vil bruke eit par verktøy i dette arbeidet i tillegg til PALS: «Grønne tanker - glade barn» (Salaby) på dei eldste og Vennskapsbøkene. Det å kunne setje ord på og regulere kjensler er grunnleggjande for at barn skal føle meistring og tryggleik.

Forteljingane i Vennskapsbøkene opnar opp for refleksjon med barna og dei får høve til å sette ord på egne tankar, meiningar og følelsar. Situasjonane gir barna enkle modellar for konfliktløysing. Tema er å samarbeide, å dele, å snakke om det, å vente på tur, å vise følelsar, å spreie glede, å lytte og verte einige, å seie stopp, å sei unnskyld, og å roe seg ned.

Hippo er ein figur frå boka «Sjøhesten Hippo og plasten i havet» av Ina Giske og Børge Sandnes.



Foreldresamarbeid

I følge rammeplanen skal barnehagen gi barn under opplæringspliktig alder gode utviklings- og aktivitetsmuligheter i nær forståing og samarbeid med barnas heim.

Barnehagen skal støtte foreldra i oppsedinga av barna. For å få til dette er vi avhengige av eit nært samarbeid med foreldra som må byggjast på gjensidig tillit, openheit og respekt. Gjensidig informasjon mellom heim og barnehage er viktig for at barna skal få eit best mogeleg tilbod. Vi ynskjer at foreldra skal føle seg trygge for at vi ser barna sine behov og at dei skal ha eit aktivt medansvar for barnehagetilbodet. Vi som personal skal møte føresette og barn på ein høfleg og venleg måte kvar gong dei kjem i barnehagen. Personalet skal arbeide for å finne balanse mellom respekt for foreldra sine prioriteringar og å ivareta barna sine rettigheter og grunnleggjande fellesverdier som barnehagen er forplikta til.

I samarbeid med heimen legg vi til rette for at barna skal få ein trygg og god start i barnehagen, og ein god overgang til ny avdeling. I følge rammeplanen skal personalet sørge for at barnet og foreldra får tid og rom til å bli kjende med andre barn og personale i barnehagen.

Samarbeidet mellom heimen og barnehagen skal alltid ha barnets beste som mål. Foreldra og barnehagepersonalet har eit felles ansvar for at barnet skal trivast og utvikle seg.



Val av FAU og SU

Foreldrerådets arbeidsutval består av ein leiar og vara for Armkroken og ein leiar og vara for Leikekroken.

Samarbeidsutvalet er eit rådgivande, kontaktskapande og samordnande organ. Utvalet består av føresette, tilsette og ein representant frå kommunen. Einingsleiar er sekretær i samarbeidsutvalet. Samarbeidsutvalet har rett til å uttale seg om saker som vedkjem barnehagen. Til dømes vedtektsendringar, opningstider, foreldrebetaling m.m.

Foreldrerådets arbeidsutval (FAU) 2022/2023

- Leiar for Armkroken: Malin S. Knotten
- Vara for Armkroken: Marthe L. Strandbakken
- Leiar for Leikekroken: Tonje Z. Remøy
- Vara for Leikekroken: Ingvild K. Muren

Samarbeidsutvalet (SU) 2022/2023

- For foreldra: Malene Rødseth
- For kommunen: Camilla A. Vik
- For personalet: Helga K. Sætre
- Leiar/sekretær: Lisbeth Nykrem

Armkroken

Armkroken er ei avdeling for dei minste barna i Haugelia barnehage.

På Armkroken er tilbodet tilpassa 0-3 år.



Dagsrytma:

07.00 Barnehagen opnar

07.00-08.45 Frukost/Frileik

09.00 Uteaktivitet

10.10 Samling

10.30 Måltid

11.00 Bleieskift/Toalett

11.30 Sovetid/Uteleik

13.30 Ettermiddagsmåltid

14.00 Bleieskift/Toalett

14.30 Leikegrupper

16.30 Barnehagen stengjer

Leikekroken

Leikekroken er ei avdeling for dei eldste barna i Haugelia barnehage. På Leikekroken er tilbodet tilpassa 3-6 år.



Dagsrytma:

07.00 Barnehagen opnar

07.00-09.00 Frileik

07.45-08.45 Frukost

09.00 Aktivitet

10.00 Bleieskift/Toalett

10.15 Samling

10.45 Måltid

11.15 Uteleik

13.30 Bleieskift/Toalett

13.45 Ettermiddagsmåltid

14.15 Leikegrupper

16.30 Barnehagen stengjer

Fagområda i rammeplanen

Rammeplan for barnehagen sitt innhald og oppgåver (Kunnskapsdepartementet, 2017) gir ein forpliktande ramme ovanfor personalet for planlegging, gjennomføring og vurdering av barnehagen sin verksemd. Vi ynskjer her i årsplanen på ein kort og punktvis måte å leggje fram korleis vi gjennom året jobbar med rammeplanen sine sju fagområder. Sjølv om vi no delar innhaldet inn i fagområder så vil desse fagområda overlappe kvarandre i stor grad og gå igjen i alt vi gjer. Vi vil også tilpasse alt vi gjer ut i frå barnas alder, utvikling og føresetnadar.

I tekstboksene under kvart fagområdet finn de dømer på kva aktivitetar vi gjennomfører som tek utgangspunkt i dei ulike fagområda.



Kropp, rørsle, mat og helse

I Rammeplanen står det:

«Barnehagen skal leggje til rette for at alle barn kan oppleve rørsleglede, matglede og matkultur, mentalt og sosialt velvære og fysisk og psykisk helse. Barna skal inkluderast i aktivitetar der dei får bevege seg, leike og samhandle med andre og oppleve motivasjon og meistring ut frå egne føresetnadar. Gjennom medverknad i mat og måltidsaktivitetar skal barna motiverast til å ete sunn mat og få ei grunnleggjande forståing for korleis sunn mat kan bidra til god helse»

- «Min fantastiske kropp»
og «venskap»
- «Jorda rundt med Hippo»
- Snakkepakken
- Start
- Uteområdet vårt
- Turar i nærmiljøet
- Varierte måltid/Matlaging
- Kvile/Yoga
- Songleikar, dans og musikk
- Gymnastikk



Kunst, kultur og kreativitet

I Rammeplanen står det:

«Opplevingar med kunst og kultur i barnehagen kan leggje grunnlag for tilhøyrslø, deltaking og eige skapande arbeid. I barnehagen skal barna få estetiske erfaringar med kunst og kultur i ulike former og organisert på måtar som gir barna høve til utforsking, fordjuping og progresjon. Barna skal støttast i å vere aktive og skape eigne kunstnariske og kulturelle uttrykk.»

- «Min fantastiske kropp» og «venskap»
- «Jorda rundt med Hippo»
- Forut
- Formingsaktivitetar
- Naturmateriale i leik og forming
- Bruke sansane/sansekasse
- Drama/visualisering
- Musikk, dans og drama
- Utkledning



I Rammeplanen står det:

«Barnehagen skal leggje til rette for at barna kan få eit mangfald av naturopplevingar og få oppleve naturen som arena for leik og læring. Barnehagen skal leggje til rette for at barna framleis skal vere nysgjerrige på naturvitskaplege fenomen, føle tilhøyrse til naturen og gjere erfaringar med å bruke teknologi og reiskapar. Barna skal bli glade i naturen og få erfaringar som fremjar evna til å orientere seg og vere i naturen til ulike årstider.»

- «Min fantastiske kropp»
og «venskap»
- «Jorda rundt med Hippo»
- Utforske og
eksperimentere
- Berekraftig utvikling
- Erfare dei ulike årstidene
- Undring over mangfaldet
- Turar i naturen
- Bruk av Ipad og PC



Mengd, rom og form

I Rammeplanen står det:

«Barnehagen skal synleggjere samanhengar og leggje til rette for at barna kan utforske og oppdage matematikk i dagleglivet, i teknologi, natur, kunst og kultur, og ved å sjølve vere kreative og skapande. Arbeid med fagområdet skal stimulere barna til undring, nysgjerrigheit og motivasjon for problemløysing. Fagområdet omfattar leikande og undersøkjande arbeid med samanlikning, sortering, plassering, orientering, visualisering, former, mønster, tal, teljing og måling.»

- «Min fantastiske kropp» og «venskap»
- «Jorda rundt med Hippo»
- Snakkepakken
- Tal og teljing
- Bake (oppmåling)
- Måltidet (mengde)
- Spel
- Duplo
- Sortere former, fargar, liten/stor
- Konstruksjonsleik
- Perle



Etikk, religion og filosofi

I Rammeplanen står det:

«Etikk, religion og filosofi er med på å forme korleis vi oppfattar verda og menneska, og pregar verdiar, normer og haldningar. Barnehagen skal skape interesse for mangfaldet i samfunnet og forståing for livsverda og levesettet til andre menneske. Gjennom å samtale om og undre seg over eksistensielle, etiske og filosofiske spørsmål skal barna få høve til sjølve å formulere spørsmål, lytte til andre, reflektere og finne svar.»

- «Min fantastiske kropp»
og «venskap»
- «Jorda rundt med Hippo»
- Pals
- Forut
- Høgtidsmarkeringar
- Filosofere
- Utvikle toleranse og respekt
- Sosial kompetanse
- Normer og verdiar



Nærmiljø og samfunn

I Rammeplanen står det:

«Barna sin medverknad i kvardagslivet i barnehagen legg grunnlaget for vidare innsikt i og erfaring med å delta i eit demokratisk samfunn. Gjennom utforsking, opplevingar og erfaringar skal barnehagen bidra til å gjere barna kjende med sitt eige nærmiljø, samfunnet og verda. Barnehagen skal bidra til kunnskap om og erfaring med lokale tradisjonar, samfunnsinstitusjonar og yrke, slik at barna kan oppleve tilhørsle til miljøet. Kulturelt mangfald, ulike levemåtar og forskjellige familieformer er ein del av fagområdet.»

- «Min fantastiske kropp» og «venskap»
- «Jorda rundt med Hippo»
- Forut
- Turar i nærmiljøet
- Fjell, skog, mark og sjø
- Kvar barna bur
- Bossbilen, bussen og postbilen



Haugeliasangen

Mel.: Gøy på landet



Hei, hei her er vi alle sammen, både små og store
Vi kjem så glade hit kvar dag til frukosten rundt bordet
Vi leikar litt, vi lære litt og finne våre venna
Vi malar og vi synge fint og held kvarandre i henda

Ref.:

Haugelia barnehage - her e glede kvar ein dag
Ja, det e det jammen
Haugelia barnehage - venna he det fint i lag

Og vi går tur i skog og mark og vi er mykje ute
Vi lærer tal og nye ord og reiser med vår skute
Og er det noko trist ein dag då finn vi trøyst og kvile
Ein klem er god å få og gi - og snart så kjeme smilet

Ref.:

Haugelia barnehage - her e glede kvar ein dag
Ja, det e det jammen
Haugelia barnehage - venna he det fint



Avslutning



Med disse fine orda ynskjer vi alle eit flott barnehageår!